

紫園草卷八

衡郡曾朝節著

七言律

伯符請告東歸見索俞太母節壽詩

漫勞芳草憶王孫
江上拏舟近里門
聞道瑤池開壽宴
競從菜綵獻春樽
重閣自凜冰霜節
聖主常多雨露恩
不獨旌書喧此日
懸知封誥下微垣

夏日東遊延壽寺贈慈舟上人

騎入平原病欲蘇
曉涼薄霧一塵無
山容破暝標蒼樹
海色連空上赤烏
東野直凌雲島盡
中天遙望塔

輪孤閒來擬結跏趺侶此地安心對苾芻
喜從初地坐清涼開士新登說法堂為厭紫貂辭聖
主常依白足禮空王三山遍歷緣俱淨一榻沉冥慮
總忘不是向來操慧劍只教今日嘆亡羊
伏牛棲息已經年見說傳衣帝里邊頓悟本心無所
住歸來舊刹亦隨緣憑凌佛閣羣峯色寂歷空堂一
味祥我亦山中曾證法看君真似出泥蓮
羣迷消盡道心存兀坐如如不二門只飯一盂兼一
衲終朝忘念亦忘言前生或恐居天竺清夢還疑直
禁垣憑語世人貪着者化城空幻好同論

壽司馬張嵒嵒公六十和楚侗翁韻

制閫戎機動若神中樞勲業畫麒麟九邊近日無烽
火三省當年有皂輪並向文昌瞻北斗真疑諸葛是
前身峨山衡嶽鍾靈地紫氣千秋繞壽椿

奉亡慈舟還遇盧東麓祠部有贈

一疏批麟一寸丹即填溝壑不辭難神明杖下扶瀕
死慷慨山中倚釣竿自泣春風驅素舸幸呼夜月共
清湍莫言耿耿平生盡賸有勛名異日看

同唐丈茅堂夜話用韻

溪上相逢悲問年茅茨且對菊花天自嬰憂病有長

紫園草卷八
恨一遠塵埃非俗緣
宅畔秣田村更僻
山中石鼎句
誰聯秋風落木同
今夕涼月穿窓聽未眠

巾紫峰

凌虛雙足肯辭勞
城上孤峯萬仞高
仙嶺自宜巾島
霧湘流湏有冠
山鼇八烟一帶浮
晴靄舟楫連帆逐
暮濤最喜令君耽
勝事塔輪縹緲秀江臯

題吳孝廉書舍

巾紫峯邊仙霧騰
久知玄豹氣憑凌
垂垂明月宮中
桂采采清風水上
菱花宿且聞前代樂
雄飛湏掣
秋鷹看君好是南山瑞
才士從來有代興

蓮花峯寺

危巒複嶂極攀緣
忽到靈山有洞天
一自西方開白
社遂令東土湧青蓮
周羅花瓣應為供
清淨天香總似禪
徹夜雨聲眠不得
誰知幽響遞流泉

題朱張二先生祠

冒雪楸洲結伴來
當年板屋興幽哉
披襟共對蓮花
坐證道曾應貝葉開
尚想歲寒清法界
不勝夜氣淨靈臺
大賢投足成千古
仰止還增曠代哀

祝壽菴

寺後新開禮佛臺
却宜香界白雲隈
門前修竹紆青

入殿上高峯擁翠來自對莊嚴鳴梵樂常看空寂坐
蕭齋西來妙義如堪會不忝曹溪一派回

宿能仁寺

一夜潺湲作雨聲蓮花座上句初成不離福地皆佳
境常住深山少俗情霜色迥凌龍藏杳月華寒印虎
溪清那禁靜夜聞金磬坐對空王道氣生

七秀齋

七十二峯森紫霄向來遊脚遍岩堯忽驚北斗開
窓光却喜南山作隊朝遂有雲霞生翰墨便宜歌頌
寫
鐵韻百年光嶽鍾人瑞不惜殷勤策遠鑣

樂吾蘇君自瀏陽之閔鄉學諭寄贈

幾年擅冷家山近有檄中州亦勝遊一自薊門為醉
別獨憐嵩嶽隔仙丘思君迢遞神真往作宦風塵髣
易秋莫嘆傳經鎮留滯才賢終合達珠旒

題贈藜軒之金陵試

石榴花照綺筵杯見說人爭款上才衡嶽鳳雛為國
瑞金陵鰲占待君來帆檣曉趁江湖遠鴻鴈秋過姓
字開司馬舊遊還記取百年風節在麟臺

贈鄺生秋解

徑寸海珠堪自媚玉過三刑詎誰遺纔逢隻眼人應

訝一入明堂衆始知地脉乍開靈嶽秀天香新放老
秋枝公家世業由來遠接踵元方看更奇

答唐丈用韻

山中不用更尋仙曲塢踈籬即洞天道在任貧將蛻
骨樽空偏冷欲殘年松筠自耐迎秋後雪月終輸抱
膝前間我愛從峯頂卧蹉跎今復舊盟愆

送譚華南明府擢貳松江

憐才子淹留地國手誰知是折肱鋒鏑盡歲庭每
靜閭閻無擾歲常春共談流俗情偏激一觸雄心氣
已增此日携琴東海上只教人憶玉壺冰

湘水西原悲白雲每逢車至挹清芬縣於遠徼難為
理堂有鳴琴衆所聞武水可堪三載滯薊臺終作九
霄群賢明到處皆芳蹟聽取松江頌使君

禹門少白過訪紫玉園賦此謝兼訂後約

荒園聊為此君開有客還因聽雨來同上小樓遙倚
玉更攀叢桂一登臺雲端暗有撐天柱月下明看弄
雪梅此興他時仍不淺肯教日暮剡溪回

劉果菴携令子子上茂才過小園賦謝

愛除三逕遲朋來旋有林園尚草萊小竹幾行憐玉
立前山千疊喜雲開亭堪對月常忘去鳥欲親人不

受猜劉向過予予所慕君家俱是校書才

龍瑞亭過訪湘原將別索詩率爾以贈

伏枕茅廬有所思冰霜蕭瑟歲寒時
薊門作客相看喜嶽野歸人不盡悲
何意攸江能鼓楫從來郢俗雅
工詩還因摧裂成衰廢煮茗空談也不支

送思漁北上

武關連捷武昌城射策曾推第一名
吾意每憐垂釣久時人俱羨築壇新
千金駿起燕臺迥萬里功高瀚
海清直北五雲時悵望相期杯酒共
論兵

邀鳳岡使君叙別鴈峯寺

鴈峯烟雨訝同看暮色其如送別難
鴈入春來常不住峯宜客到暫為歡
追思佐郡清風滿愁說拏舟白日寒
回鴈舊名聽覺好幾時仍得度修翰

為尤使君題瀟湘別意卷

湘川蕭寺水雲多雪後晴峯數鴈過
舊日使君停別駕一時才子動離歌
甘棠遺愛留青竹曉岸和風淨
綠波蕭索山中奈愁思紫駟重欲繫
烟蘿

劉豹山過訪山中贈別

說劔公車狎薊門笑看貂弊舌還存
蹉跎浪跡無青鬢湖海英遊有素樽
俠氣不降時態異雄心仍劇虜

塵昏龍韜我亦知君慣執手衡峯好共論

奉酬沱陽費丈留別之什

杖屨閒遊百累輕山中暇日喜逢迎常思見面杯前
盡密語論心座上傾自剔燈花神共宿舊傳丹訣藥
將成何須康濟求身外碧洞蒼厓不世情

夏日藜軒邀陪廖夢衡憲使飲水雲居禪庵僧
持凝齋司馬世外浮因卷索題賦此二首

伏暑城中每閉關僻來幽榭水如環僧翻貝葉慈雲
滿地湧蓮花佛日閒喜聽唱騶空界入幸逢投轄醉
鄉還浮生久勘成虛幻吾道他年在碧山

司馬遺文世外傳山齋盥誦重潛然功成南服王師
北望滿中樞帝佐先一疏歸田間謝傳四夷當日問
裴年摧殘耆哲風流在曾向僧家結靜緣

水雲居飲藜軒餞喜雨

酌酒應憐萬里遊離歌聲裏渭城秋預愁為客燕耕
地况說連年切旱憂人在水雲龍變化醉看霖雨鯉
沉浮嗷嗷窮屋謀生薄且聽涼宵遍野謳

贈彭君教授榮藩

帝子樓臺楚水西曳裾人去武陵谿經傳朱邸開新
幄座擁青瑣似舊栖首宿高齋堪自傲桃花仙洞豈

紫園草卷八
教迷亦知設醴能謀醉無奈尊前惜解携

張少竹六十一賀詩

軍中共祝千夫長甲子從新紀歲華曲聽雲璈堪侑
酒庭森玉樹盡開花素饒籌畫間戎幕不礙風塵入
帽紗圯上老人丹有訣赤松何必住仙家

郡大夫招餞石鼓聯舟泛江樂甚賦此紀之

湘江張樂蔽中流何異神仙海嶼遊詰旦驅車入萬
里清秋出祖郡諸侯東西雅奏驪駒曲上下光浮彩
鷁舟旋取鯉魚供佐酒夜深石鼓共登樓

郡督糧署稗年舊遊柯肖泉別駕招予餞感而

賦謝

童子來遊跡已陳招邀今訝綺筵新初秋座上風光
好靜夜杯前客意親共羨公庭饒佐理尚看民俗化
真醇相從忽漫脂車急一聽離歌倍愴神

叅知馬具翁草堂小酌

蓬茅春晚使輶回筍蕨山中佐酒杯景物一年無此
興芳菲今日為誰開方承笑語平生見擬洽歡遊後
夜來人世遭逢堪自惜鴈飛無定正相猜

具臬翁招宴分守署賦謝

使星行部散春陽軫翼宵分倍有光署傍紫薇開綉

幕座臨青嶂聽霓裳乍蘇憂病逢嘉會欲倚歡娛狎
大方不柰歲饑勞撫字遍持甘澤灑遐荒

守長沙吳虛菴年丈偕二守嚴同宇別駕王立
吾宋繼泉三君招遊嶽麓書院曉泛有作兼呈
閩中郎春霍年丈

江上霞光漾錦波畫船蕭鼓在銀河同清宦味凌空
碧欲洗塵纓掛薜蘿鴈度橘洲青嶂杳秋深星渚白
蘋多名邦山水堪吟眺喜對君侯聽棹歌

稍泊登江寺拱極樓

擊汰空明鏡裏遊更憐烟際跨飛樓倒看夾嶼垂雙

練轉訝禪林在十洲總以回頭登岼近初從舍筏得
山幽主恩浩蕩同江海無限神情拱帝州

嶽麓書院二首

岸西標勝古書堂却在薰葭水一方今日名山同眺
詠昔賢遺跡有輝光荒臺徙倚談俱劇旅館棲遲景
共忘若使九原真可作相從仍似暮春狂

秀敞林巒講院深喜逢秋日重招尋閒遊不受拘拘
病勝覽應宜細細吟叫鴈空山衝浩渺流雲古木墮
蕭森眼前佳景蹉跎易豈厭飛觴酒更斟

觀察李似齋中郎曹愛堂二年丈洪山宴集賦

青山為主戀遊人，占勝東林遠市塵。
塔似鴈翔高作柱，寺如龍藏靜無憐。
人天壯麗開名刹，日月虛空轉法輪。
我藉使星光楚甸，重筵聽梵夜逡巡。

田見龍席上并東帶山侯少叅

三十年餘共榜人，逢君杯酒幸相親。
萍踪離合悲華髮，劍氣芒寒憶早春。
對月花前涼夜永，談詩座上客情新。
明朝別去風烟隔，回首洪山一愴神。

晴川閣

為喜晴樓鄂渚西，秋風吹上白雲梯。
丹檣徒倚山川秀，黃鶴爭翔日月低。
塔踊虛空天共杳，洲橫今古草

猶萋誰堪弄笛同樽酒，且酌江流一品題。

漢川安理涯明府邀宴文昌閣賦

圖書東壁列文昌，高閣凌霄學士堂。
秋淨月華分聚井，春明天近動寒芒。
星迴漢野祥光麗，地控川涯灝氣長。
添綠上衣憐柳色，共遊吾喜酌仙漿。

安州飲都諫張玄阜年丈宅賦贈

石畫兵垣息羽書，禁中頗牧果誰如。
從容省掖閒焚草，迢遞神情切倚閭。
菜絲編躑娛子舍，筦樞經略待宸居。
逢君桑梓開華宴，風雨秋宵客抱舒。

謁玄嶽

當年混沌不曾開只許飛仙日日来却自鑿山通道
路應宜總聖御崔嵬三天門上黃金殿一柱空中紫
玉臺多少幽竒誰畫得齋心清夜乞靈迴

安州逢同館甘應溥

文學宜為侍從臣憐君局面逐時新繡衣持斧方行
郡臬憲分臺又入閩一起文園歸士論忽為遷客滯
風塵詩篇莫似離騷怨端笏徐看傍紫宸

侍御甘紫亭大約同遊太和以勘災上疏不果

賦東

秋風驄馬散嚴霜三戶瘡痍入皂囊手上烏藤騎野

鶴疆中玄岳待神羊初來靈境思真侶獨到幽扃啓
洞章後日勝遊同此憶望仙樓上定彷徨

懷仲弟信卿携姪模棟棧讀書西塾

行色凄然總不禁別應無事費探尋竚聽唱第遙山
近喜見趨庭玉樹森筆陣春風酣劒戟書聲丙夜散
璆琳惟憐遊客情難寄望入湘西只自吟

將北渡河和邃翁先生壁間韻

在處遽廬一宿過張騫今日到銀河長虹迤邐侵晨
見靈鵲飛鳴入暮多望近中山生酒興歌成下里散
詩魔振衣高閣乘槎渡無限風塵奈客何

趙守達泉鄧年丈携遊東寺觀吳道子畫

畫水當年技入神壁間遺墨已千春何來苦海橫空
界為有慈航度世人恬浪曉光澄巨壑怒濤秋色捲
荒垠千層萬疊皆生態遠望平看果逼真

題定州太守唐君肖逵脩復韓忠獻公園祠

衆春園裏魏公祠廢址新開又一時清宵夢寐能相
感異代風流宛在茲與客仍携千日酒當庭旋插百
花枝忽漫經過增想慕巍巍勲德是吾師

青瑣同聲卷代作

北斗高兮舊署光青蒲宿望在朝堂從容銓宰甄群

品次第優綸寵十行頻啓雅筵閒對酒劇談名理坐
焚香慚為後進仍追逐豈有涓埃答聖皇

和舜峰胡丈寄贈之作

城上松巒翠作林何人松下歲寒心清吟傲殺陶潛
菊薄宦貧無陸賈金龍卧遂初驚賦就鴈來題字憶
情深後知忝竊虞擔荷大旱誰為傳說霖

送文學二樓暫還東粵兼憶林文峰太史

照乘連城此薄遊席珍初聘未全收南溟元氣歸吞
吐壯道塵埃盡拍浮一鷗高空看歲晚五羊仙侶劇
風流西樵誰為葺山住遲爾蓬萊第一洲

中秋日為臨溪邵君壽

酒杯溪上水雲涼自署溪山作醉鄉庭植兩株皆桂
樹秋看八月動天香風清綺席人稱壽斗轉銀河漏
正長貪餌紫芝顏未老綠衣爭進九霞觴

中菴南嶽僧也來京請歲詩以壯之

與客常遊嶽寺深側刀峰下亦雲岑名僧貝葉翻龍
歲上國琅函遍鶯林持鉢乞來留寶地折葦將去度
金針衆生從此皆成佛况說黃梅派可尋

賀李將軍誕子

塞北轅門老樹勳全銷俠氣蔽浮雲能知肝膽聽談

劍自倚弓裘擬報君向夜歲星明舊幙暮年龍種誕
新聞會排湯餅徵詞客將業重看總萬軍

贈祝鴈雲再補孟津教諭有小序

丁亥水簾公訃至孟津君匍匐還衡陽則不
佞業有亡慈之憂伏草土矣及今夏君至京
師不佞亦以去秋之杪到官下秋君復補孟
津不佞獲餞之乃賦此篇

憂病相憐滋楚雲湘波容易去泃泃山中亦幸依詞
社座上還能款德芬帝里隔秋初至客天涯今日又
離群頻呼酒盞謀深醉正恐臨岐咽袂分

洛下傳經憶昔年諸生皆廢蓼莪篇春風重到舊壇
冷天意無私化雨偏見說宮墻新制作待看嵩嶽起
才賢南山朱鳳翩翩甚曉日飛鳴麗九天

園草卷八終

紫園草卷九

七言律

贈春霍閣年文守台州

山中寒却五峰盟嶽麓峰頭一舉觥旌旆入都星偶
聚風塵為客歲初更閒庭密坐頻歡語故里同心幾
弟兄何事浮蹤漫離合清秋明月不勝情

君今五馬向天台宋代風流謝守才到郡登堂山拱
揖停車問俗玉崔嵬為仙不羨同劉阮沛澤懸知遍
草萊三載政成徵召入定携圖畫坐中開

衡郡曾朝節著

送何克齋侍御謫官之楚

南來歸鴈塞雲多，北客逢春更渡河。三疏自披肝膽，
盡五峰須借旆。旌過風塵黯黯，青驄色江漢澄澄。綠
水波攬結勝遊，明主意賜環他日。聽鳴珂，
封章朝上，劇聯翩左宦。離亭望渺然，白簡暫携，乘鶴
處青編。須記伏蒲年。東西晴漢樓臺峙，今古靈均日
月懸。定有詩篇遊賞地，雙看天柱紫雲巔。

贈都諫張可菴年丈閱邊

汲黯中朝亦寢兵，尚須西塞自行營。名王內款休戈
至，大吏前驅負弩迎。萬里封疆憑指顧，一時偷玩費

商評知君壽畫饒樽俎，蚤晚邊城盡耜耕。

壽甘母吳太孺人六十有一詩

帝許乘驄過里門，自携仙露注金樽。初看桃熟瑤池
宴，正及蓮開玉女盆。天上日華浮壽筭，堂前萱草茁
芳蓀。東南攬轡多甘澤，綸綍聯翩捧聖恩。

盡羨斑衣映繡衣，輜軒霄漢侍臣歸。星明彩婺籌新
數，霞簇彤褕景正霏。九夏南山開喜宴，千秋北斗挹
恩輝。潘輿遂擬還朝入，菜子頻看有賜緋。
持斧初從全楚至，三吳行部又脂車。方勞王事遑將
母，却藉君恩慰倚閭。旌指白雲驚野鶻，筵開綺閣饌

江魚亦知最樂稱觴日六月霜寒畏簡書

送顧實甫官贛予告還崑山二首

幾年離合不堪論又憶尊鱸別薊門勸學正思禪主
聖避人無奈厭塵昏孤帆影度沿堤樹舊侶神悽把
袂樽若念索居星聚近相看應慰夢君魂

小玉山靈解見招出山遲殺遞還撓曰時風物神情
羨千里江湖笑語遙白髮添來同醉少紫雲生處
青饒金華勝友調元者起色旋看佐聖朝

贈范太史凝宇冊封肅藩便歸西蜀

帝子金城屏翰雄分茅新闢九成宮仙才著作過同

馬使節風流度射洪錦紱五雲浮日彩劍門千古釀
鴻蒙高車若到題橋處試看巴江水盡東

甘露園為何仁仲

甘露為祥啓代興高齋當日一寒燈名賢賸有遺經
貯勝事應須肯構能臺榭晝熏花氣滿闌干晴倚月
華弁清看如玉沉吟者恍在瑤空恐不勝

采芳洲為何仁仲

見說幽居芳樹林諸生問學此追尋一時杖屨春風
在五月陂塘秋氣深載酒入舟沿詰曲看花隨地坐
陰森從來無限王孫憶澤畔誰知采掇心

送朱貞石諫議考績還南都

杯酒東園意未舒幾年雲樹嘆離居封章縷縷皆誠
悃物望翩翩有最書民力尚勞蘇鎬甸虜情仍劇怯
儲胥南垣持議終堪倚引領忠謀達帝廬

送鄺一所司訓桂東

同里知交四十年橫經到處共青氈隋珠照乘雙堪
把趙壁連城衆所憐自乞冷官分講席欣逢明主重
拾賢三鱸預卜看它日不盡離情對酒筵

題令德偕壽為巨川劉大夫

曾記都門說劔雄延津別後各西東尺書難盡此肝

膽寸髮不堪俱老翁玉樹父看為彩棟金莖還擬出
彤宮遙知雙壽開筵日南極高懸岱岳中

陳奉常昆弟母八十壽詩時奉常歸省

北堂祥暎斗牛隈南極光浮海若開煖入綺筵晴晝
永香分金掌露漿回元龍故挾江湖氣潘岳兼饒賦
詠才應憶長公稱壽日白雲仙署重徘徊

送家弟信卿還衡州

病後偏憐兄弟親南來荒邸各傷神欲憑春色為歡
賞不奈河橋望去塵一出有時關氣運共支斯道待
經綸重尋舊業衡雲下聖世旋看起鳳麟

楊荆巖太史冊封淮藩賦贈

小山桂樹宜仙使客館榴花正送君載筆鑿坡推視
草乘輶驛路悵停雲乍離鄉國遊應慣一到江藩念
正紛獻壽滿携盤露美萱庭長晝霽氤氳

焦漪園太史冊封周藩賦贈

河山南擁奠雄藩盟誓千秋拱帝垣玉節乘槎來上
國金華分珮度中原當年共羨龍頭選到處頻看鳳
來鸞入汴禮成鍾阜近薊門無奈遲輶軒

莊冲虛太史冊封粵藩賦贈

獨秀山為帝子家詞臣將命是南華人看紫氣浮仙

醴座有清香擁桂花驛路定過觀日嶺嶽峰常在泛
湘槎勝遊處處堪題字延首都門覽麗霞

周礪齋太史奉使冊封賦贈

才子今為侍從臣詞林公望在簪紳桐圭帝命仙潢
派玉節王人上國賓飛傳一停涑水眺還家原與泰
山鄰登臨俯仰懷今古重向遺經覓聖真

王希泉館丈冊封韓藩賦贈

慷慨清朝諫草多洗兵真欲挽天河仍因奉使行疆
圉尚擬甦人到痒疴棧道經過爭負弩劍門凝望近
鳴珂雙慈共酌金莖露笑着功成鬢未皤

贈秦楚崧令富川

綰綬看為富水遊
土風聞亦似衡州
爭喧結騎迎車
入常聽吹匏樂
歲收不倦簿書應
少事共安閭巷即
賢侯都門晤
別從今遠
惟待徵書侍冕旒

贈少巖入賀長至竣事還任

春日垂楊芳甸路
驪歌尊酒憶徘徊
寒逢朔雪陽方
長座對盆梅
客又來喜氣九重扶
玉輅祥雲五色擁
金臺仙鳧咫尺花
封舊共羨遙沾湛露迴

勵志詩四首太學示諸生

誰會清泉濯此心
絕無塵滓氣沉沉
難將言語分明

說總要功夫
歲月深理有至微
神自遇事原容易
路須尋世情厭薄
為儒甚用處爭差
恐不禁

人心常怪着根難
俗氣凡情也厭看
蚤歲便宜求殼
率間居應好正衣冠
宮墻在望行邊入
田地無多靜
後寬道載六經誰
領畧欲從何處覓
長安
外事紛紛了不關
無心纔得出人寰
不知眼下尋根
脚枉住山中喜
靜閒大道坦夷常
矻矻真機流動自
潺潺他鄉回首家
何在萬徑千岐總
未還

叅贊誰將問孔門
生身天地本來尊
掃除氛翳日光
現養到醇和春氣
溫靜悟自遺塵俗
累閒忙常覺道

心存微言多少堪疑處肯對殘編細討論

勵志詩再用前韵四首

相逢天下少知心耳目支離尚陸沉每向有時常拂
拭須從無處入幽深能疑漸覺能分曉自得還勞自
討尋拾取明珠原故物終朝持玩喜難禁

為山一篲進非難頃刻花開與客看上帝有靈留正
緒清朝無恙着儒冠登峰步步天逾闊流水涓涓海
寬會得古人謀道意忘憂忘食敢懷安

學須知第一關此身鼎鼎立塵寰神遊物外長年
樂道在胸中到處閒險路輕車應坦坦高灘清浪任

潺潺從來賢聖傳真訣反己分明即大還

顧學平生只孔門曾於堯舜獨推尊升堂疊疊心無
倦行路栖栖席未溫至道已蕪千載後遺言猶賴六
經存世儒每被多岐誤滿耳猖狂詎易論

和巨川大夫觀海

曾向祝融峯頂見日初升處是蓬萊微波不動寫天
畫衆派有情行地來浩渺每思生羽翼虛空何事幻
樓臺憐君高閣舒吟嘯那得東遊共舉杯

陸敬承掌留院賦別

宦味如僧歲歲閒名園常得共躋攀他鄉自動金陵

興舊署誰聯玉笋班
夢寐有時呼結綺
風塵隨處隔看山
春來更恐思君甚
望鴈停杯計日還

贈鄺二懷司訓赴新化任二首

鄉國昔年誇競爽
天涯今日惜離群
幾時骨肉常尊酒
萬里神情黯夕曛
勝憶都梁還在眼
貧甘苜蓿只論文
由來粉社相聞舊
桃李盈盈盡屬君

客邸相看意倍親
青氈自耐歲寒貧
平生龍性浮雲薄
此日臯皮化雨新
合劔舊津期晚節
移家官舍亦儒臣
臨岐欲灑都門淚
却恐風霜少鴈麟

金簡使歸賦贈

都亭樽酒動離情
曉日和風拂使旌
起草聯翩推粉署
傳車迢遞度朱明
澄江鼓棹春遊美
小閣聽松午夢清
岐路因君劇鄉思
浮蹤猶自滯歸程

初秋宮洗龍華假還和贈

燕市逢君更卜隣
綢繆尊酒笑談親
厭看牛女常分袂
愁聽驪駒又送人
朋好有緣應在眼
主恩無量不閒身
山中習靜堪忘世
瞥向花間啓鳳綸

題祝君壽母冊為觀察唐華濱入賀還慶陳母

八十

北闕高呼拜舞回
北堂萊綵壽筵開
鎬京湛露祥光

映瑤圃蟠桃喜氣催金鑑九重披玉案玉漿千歲薦
金壘封綸疊捧啣恩日並祝南山傍斗台

張生襲官還衡州

西風涼雨度城來索莫書堂共舉杯一日漢恩侯萬
戶千秋駿骨重金臺時危戰伐占兵氣年少韜鈴識
將才慷慨佩刀歌出塞勲名遙過白龍堆

昌平白兵備膺命晉級詩

鎖鑰神京重北門勾陳全倚栢臺尊貔貅百隊間秋
戍禾黍千疇樂宴溫自有長城虛制閩遂來新詔署
雄藩更從麟閣看名姓雅望翩翩滿塞垣

雙壽詩為都諫許少薇

白雲多處錫封章長日雙看醉鶴觴畫省不勞携掌
露藍橋原亦有瓊漿祥光霄漢高南極晚景萱花媚
北堂見說夕郎承帝眷金閨銀艾未遑將

壽譚中丞李母太夫人八十一詩

仙李雲陽奕葉開內臺初駕傳輶回瑤池六月娛長
晝寶婺千秋照壽杯綵戲庭前還隊隊髮垂肩上未
皚皚如今九十壽新數疊捧恩綸看斗台

贈劉承所入賀考最還蜀任

元會恩霑頌聖來最書綸綍自天開時名佐郡高眉

嶽月旦逢人重楚才聚散帝城春蚤暮招携僧寺日
徘徊兒童竹馬期原在屈指徵書續舊杯

伍益齋督學暫補觀察便歸里中賦此送別

春盡離筵對落花故鄉南望隔天涯能教舊侶常同
醉不怨名山未到家征鴈衡陽回錦字使星秋渚泛
仙槎風塵莫謂參差誤劔合清尊興正賒

盧德玉年丈擢守金華賦此送別

長安幾載一樽同倚玉論心意氣雄起草盛名司馬
署剖符新詔建章宮羽林車騎喧岐路祖帳風塵暗
遠空紫殿元春朝郡國蓬飛應恐隔江東

少司徒李公索題尊公東野冊

冕玉從容侍帝年容心仍廢蓼莪篇幽林舊業卧遊
杖厚祿頻領空俸錢罔極未能忘孺慕平生今已勒
鸞箋勳名甫慰朝端望恩數常看賁九泉

舟中即事呈大司徒允泉李先生

南徙秋來日倚船淮揚千里水浮天河身造次城垣
並湖面迢遙海岸連冷落幾家惟草屋迷漫何處是
農田不知此地如今日依舊丁錢與稅錢

泗州祭告

祖陵恭述

白下遙將帝命來，園陵凝望氣佳哉。乾坤開闢功千古，河嶽精英土一杯。天派承承淮水，上皇情隱隱泗川隈。微臣夙夜奔趨地，瑞靄分明滿玉臺。

謁

孝陵恭述

荏苒清華玉署年，橋陵想像大江邊。乾坤王氣東南合，神聖精靈日月懸。帝業迥超前漢世，臣心同戴舊先。天顏垂慈愛，潛培護億載春秋。爾几筵。

中丞張元冲邀同翰伯馮具區駕部張藍田劉靜所周海門清涼寺

舊京同宦懌離憂，有約俱為選勝遊。竹遶青山藏古寺，霜溥黃葉落高秋。岡巒亭榭空中出，城闕江山檻外收。獨喜僧家常住此，白雲深閉講堂幽。

海門邀酌水月居

傍城修徑小山幽，溪畔危亭俯碧流。白月可人偏對雨，青尊與客亦宜秋。乍來南國依三益，並坐西園失四愁。聞道滿書催北上，幾時携手大刀頭。

莫愁湖與僧朗

曲隄湖水抱層樓，似鏡還將半面收。定自圓明涵法界，空無色相淨浮漚。烟雲魚鳥閒常適，風雨波濤坐

轉幽覺路眼前超彼岸更從何地問滄洲

徐園侍御柳賡虞民部林對江韓雲陸楊肖吾

邀酌

見說名園枕鳳臺秋風鴈度綺筵開峯攢竒石間雲
簇砌遶幽林淡月來自別少留深夜醉相逢難斷故
人杯如今海內需賢俊眼底誰為濟世才

瀛洲會呈同館諸公

夜來晴色燦文星高宴遙分湛露零勝在蓬瀛仙作
偶誼存豐鎬蓋俱停彤雲綺結連青漢白玉堂開切
紫庭何幸匪才叨在列願從名碩竊餘馨

馮文翰林署中招集

堂中初綻紫薇花舊侶相將坐綺霞玉署自來依
帝座蓬壺原只屬仙家酒杯宮闕紅雲映劔匣星辰
紫氣賒宣室已虛前席久好持經術贊勳華

神樂觀會讌主考李宮諭九我周宮允西玄賦
蓬萊秋敞帝城東留省冠裳此日同侍從只依青玉
案賓筵亦在藍珠宮尊開醕醪雲侵座樂奏笙簫鳳
下空濟濟一堂誇

聖代欲將佳會託雕蟲

憑虛閣雨望是日馮文見酌

山寺相期騁眺雄，半天將雨挾秋風。
崔巍佛閣虛無裡，綺麗都城沙漠中。
千載或餘墟墓泣，六朝曾有帝王宮。
蒼烟紫霧襟裾落，感慨淒然正未窮。

金陵

鬱盤鍾阜儼游龍，石轉西來虎踞雄。
雒都城吳會上，千年王氣秣陵中。
人悲前代移宗社，天與

皇明奠鎬豐

聖祖謨謀垂宇宙，誰將椽筆頌神功。

燕子磯

巉巖巨石截中流，千古堪與灝氣收。
天與皇都為地

險客來仙院，詫丹丘。危亭影落，鼉鼉窟斜，日光搖草。
樹秋共醉，已忘歸路，遠更從山畔，覓深幽。

弘濟寺觀音閣

石磴逶迤梵刹幽，凌空峭壁壓江流。
觀音大士莊嚴相，住世仙人汗漫遊。
浩渺烟波舟上下，淒迷雲樹鴈春秋。
山前一證真常妙，盡洗悠悠萬古愁。

牛首寺

天闕城南壯帝京，當年禪者此脩成。
塔輪倒影靜中見，峯嶺閒遊世上輕。
佛果自生無樹樹，覺心須破有情情。
如今喜在雲霄坐，峻級千重總費行。

邢崑田司馬奉

命定播酋賦贈二首

黔國西南底定功諸夷內附貢常通犬羊也只羈縻
是草菅還應雨露同見說播酋曾作使近來疆吏誤
興戎如今逆節終須問授闡登壇將畧雄

諸葛曾聞七縱擒南夷從此弗來侵明公夙望威邊
國聖主新綸將羽林小醜豈勞陳陣勢先聲當已懾
戎心軍前生縛降酋至奏凱天朝喜不禁

迓少宗伯陸葵日文不至見寄以詩因懷兩都
同志遂用其韻却寄四首

青山何處不堪尋鳳覽翩翩豈故林春在石城偏麗
色酒宜花榭待論心三年索莫常分袂二月逡巡未
盍簪若使紅芳開盡歇坐深濃綠只孤吟

薊北逢春未見春南中春色欲撩人家家煖至花俱
放樹樹寒過柳盡勻鳥嘯上林遙有韻風來幽榻靜
無塵仙曹吏隱宜迂拙豈羨常為侍從臣

聞道山中白板扉常開幽酌坐霏微清風已落閒人
手淨業真看杜德機廊廟恐須儀鳳羽江湖難占釣
魚磯後君欲問匡時畧且向雲霄伴袞衣

暑夏初來秋復春同袍相憶一霑巾鍾山萍聚官如

傳玉署風流迹似陳清興不教虛遠盼畫船應好及
芳辰還思異日襟期在可但閒曹許卜隣

謁孟廟

早向宮牆識面真性天知後道方成聖神亦自求心
入剛大原從集義生智處獨看尊孔學用時應不讓
阿衡微言賴有遺編在海倒瀾翻未易評

丙申留別東吾丈人

三十年前傍岳遊一叨金馬遂淹留同娛晚節期它
歲此別華堂定幾秋長者自多無限福仙人雅愛最
高樓還知玉帶橋成日倚杖臨溪樂未休

襄城遊乾明寺

自從黃帝首山開問道曾同七聖來勝蹟却宜雄梵
刹名僧應為剪蒿萊高探古洞棲禪處遍遠幽林坐
佛臺最是一塵難染得不勝清興月中迴

將渡河再和壁間韻

相業曾將簡帙過才賢應不乏馮河知湏光大終難
說量到包荒總未多世上風塵常翳眼匣中龍劍好
降魔頻看易理懷今古試問伊周定若何

過沙河早用王宮庶獅竹除夕韻

如雪晴沙野望寬桑麻無地少饑寒平時正恐誅求

急此日應憐撫字難遊客幽憂聊問訊閒亭徙倚遍
欄干孔門琴瑟知何似欲對南薰試一彈

謁武穆祠

鍊鎗野戰見英雄兵法饒者勝敵中天意降生如有
托宋朝忘耻豈成功精忠報國神難死誤主傾人恨
不窮再過湯陰添感慨瓣香稽首岳王宮

同年劉靜所母太安人節壽詩

才子為郎自白門喜看慈節近承恩摘來玉圃開桃
宴挹取金莖作酒樽曩日抗章紛瑣闥前年定播倚
輜軒頻將勲業酬明主常捧絲綸慰壽萱

壽廖密齋年文七十

慕學平生士者師襟期追憶計偕時貞廉美操稱三
仕勇退清風羨一辭高卧十年應自得遠遊千里只
相思古稀宴席誰同醉更欲歸持上壽卮

紫園草卷九終

紫園草卷十

七言排

贈程雲連節推之重慶

衡郡曾朝節著

喜從關下挹瓊華千里飛黃起渥洼笑語每緣知己
 密心期偏與古人賒竒探酉洞開仙籙曲操陽春迥
 大家秀自重湖歸夢澤文成五色吐天葩纔驚國士
 看遊洛忽領朝章度浣花定着斑斕稱壽筭便浮江
 漢棹星槎逶迤遠欲凌巫峽盤錯今方試莫邪遂有
 威稜傳一郡還將滲漉遍三巴出携琴鶴怡官况坐

挾風霜靜俗譁總以平反宣德意盡回枯朽到幽遐
于公門第人應訝宣室歸來衆所誇但使賢名高劔
閣莫言別思遠江涯

送大叅張元冲館丈赴河北

雲霄舊館共方壺綵筆人看過兩都圯上子房逢秘
錄晉中玄素足嘉謨徊翔瑣闥絃為直慷慨朝堂硯
欲枯亮節耻同脂粉態名藩湏佩玉麟符黃河自聽
秋聲壯青嶂應憐暮色孤到處被災勞愛字下車問
俗獨踟躕境連鄉土知司馬賦就梁園羨大夫此日
保釐分陝業他年經畧濟川桴翻因得外高官品且

莫當前論巧愚萬物乘除歸理數千秋名迹屬賢儒
相依但惜分岐路入夢誰能隔遠途意氣偶孚惟古
道周旋勿謬在高衢寂寥夜漏消燈炬黯淡春明咽
酒盃若使德星重有聚離亭不用泣驪駒

三月二日邀益齋德玉承所脩禊亭遍遊真覺
大慧諸寺對花臨水竟日三君將次第別重茲
遊之難數爰述此篇

脩禊招邀如上已仙家方奏紫鸞笙還過極樂諸天
界更到浮圖絕嶺行溪水微風看瀾瀾園花晴日坐
盈盈杯來曲沼催鯨吸話入鄉山變楚聲萍散有時

憐勝會春回無酒愧同盟欲憑美景重追賞豈向今
離空憶况

七言絕

見述

此理人間不易知有知還是未知時如人知得無知
趣六藉頭頭更不疑

登峰道中

名山隨處得攀緣漠漠烟雲脉脉泉僧定不知山客
到秋風拄杖任盤旋

見日亭二首

偶從碧落共徘徊初日朝烟黯未開自是廓清天有
意等閒擎出赤輪來

翠霧蒼烟面面生忽然飛盡萬山晴扶桑一似君王
殿端拱凝旒麗大明

祝融峯

眼底方輿世外身此山空澗此心春未須掃石留名
姓來徃天臺不厭頻

頌曆有紀二首

曉依辰極赤光寒玉曆新頌慶履端景運共看增聖
筭車書無外普天懽

夾陛茲辰凜帝容千官拜舞玉階同
須來義曆占陽德萬國熙熙化日中

詠史二首

落日孤營霸氣收楚王遺恨總千秋
當時只抱虞姬泣淚滿烏江咽不流
博浪椎車擬報韓不知須帶漢庭冠
功成要上封侯印黃石從來不戀官

送人之浦東

入都猶帶楚烟青論舊經時此去舲
若到海涯應北望五雲紅日自亭亭

送譚司訓之武陵

見說桃岡有大儒春光依舊入風雩
君看處處花如繡只坐青氈也不孤

龍華以榻見假戲示二絕賦此奉酬

樓居夫子在西隣喜接芳齋意氣親
却笑陳蕃懸榻久若無高士盡生塵

樓上吟餘睡思饒榻來邀月伴清宵
知君頻入周公夢自在羲皇未敢招

送龍渠陽年兄還武陵二首

獻玉無勞泣數竒孫弘海畔亦多時
上林春色年年

盛依舊來攀雪後枝

家在桃源隔世塵偶携仙子逐時人漢庭冠蓋紛紛者誰信山中別有春

送龍一所節推之新安即渠陽次郎二首

一出仙源是漢臣君王賜宴曲江春而今南去餘仙意點水黃山解戀人

妙年作吏去翩翩入郡風流白嶽前為報新安故人道使君秋水湛晴川

太白樓

世事無如李白何舊樓城上醉吟多我來弔古不能

飲獨倚闌干聞棹歌

金山寺二首

渡江三日阻風波在眼金山似補陀入寺問禪無解者潮音空自月明多

萬古江心一柱巍朝昏海氣幻樓臺不教遊客通舟楫咫尺龍宮得到來

吳謠四首

頻年歲歉江南地依舊漕艘急灌輸掘盡草根無計活漸看豐稔慰方蘇

江南佳麗說東吳到處膏田似掌鋪桑柘沿迴看未

厭但豐應不費追呼

奢豪吳俗四方無受畝村村過隔都租息盡輸空作
苦皇家恩不到農夫

受享由來只勢家細民偏困未堪誇若教畫一伸官
法一歲春風樹樹花

徐橋題壁

高士橋邊近午炊自開荒榻夢相思清風此地人如
見只愧輶車溽暑時

分宜即事二首

荒涼世弗悲文章猶足重當時不多二十年餘

事尚有聲名滿鳳池

鈴岡棲息似忘機見說清風徹禁扉一出遂迷山下
路只教猿鶴怨初衣

鈴岡作

鈴岡高閣玉霄平山北山南翠黛橫兩幅畫圖開萬
古傍城還映碧溪清

洪陽洞周令陪遊

客路難忘洞壑幽分宜地主指丹丘雲窓雪竇青天
半恍有仙人下玉樓

過漢川作

綠楊堤上湖天白紅杏村前山霧黃莫道春光無在
眼可憐車馬是他方

柏亭上人索詩和陸太史敬承三韻

閒看雙柏樹亭亭佛法拈來衆客醒一寸孤根人不
見誰知常向歲寒青

人誰不有佛摩尼雙樹當年說法時只似無言亭上
柏本來如是未支離

蹉跎蓮社舊盟寒今日亭前指客看入夜跏趺清不
極柏香風靜月團團

流杯池觀泉

亭下荒池背酒家山中亦有流霞靜岩終日泠泠
響更與詩人浣筆花

自流杯池過復吾山庄

池上空聞九曲流昔年遺跡但龍湫山前主者能留
客萬樹松聲輕客愁

水簾洞三首

仙人倒注瀟湘水石壁濺濺今古長我酌一卮聊當
酒定教人羨玉為漿

洞掩珠簾不暫收仙家元自祕丹丘憑誰指點桃源
路似有漁翁棹小舟

坐來石上霧絲絲隱隱宮商靜聽時却恐龍宮雲欲吐
滿天霖雨漫東菑

嶽路松

入山幽興誰相引獨到名山說勝遊一路松陰三十
里未臨山色已清幽

嶽市

山前為市萬松陰採得靈苗洞壑深一道流泉繞門
巷不知遙瀉白雲岑

雲開堂作

客館山前相向開遊人誰似古人來雲開雪霽名常

在每有清光被草萊

方廣道中

折逕西明石磴危巖花澗草轉歲蕤群峯迴合晝昏
黑流水杳然猿暗窺

菩提菴

老僧燃指竟何得趺坐菩提看佛書無樹若超無上
界不將有相覓真如

湛甘泉先生書院

精廬高傍紫雲開石老神遊亦此來見說古人佳處
在更無言說絕安排

胡文定公書院

嶽下空齋老歲華遺經相對飽煙霞
葺山不負看今日俎豆依然自一家

寶善山房

石上鑽鏤字字金拈來易義重璆琳
山齋不用看交遍已引人間善者心

半山亭

群峯歷歷逼青雲指點山川到海垠
不是老僧頻說與豈知仙路乍平分

丹霞寺

布金福地開蘭若無相光
霞遊伴只貪看下界不知峯色在僧家

湘南寺觀泉

一望湘南似練縈水光山色盡朱明
峯隈亦有靈泉竇流到湘江分外清

上封寺雨

晴日來登第一峯九重天上着仙蹤
忽然山下蒼烟滿殿角空濛繞白龍

看日當年紫霧開分明東海見蓬萊
如今夜半聽風雨靜倚天都白玉臺

觀音崖

第一峯前梵刹深
觀音崖下好觀心
道人舊是無心者
弄石聽泉自在吟

會仙橋

山中何處會群仙
度世仙人不偶然
長虹一道虛空上
留取時人悟妙詮

橋西無路通遊客
仙路茫茫正杳然
記得昔遊煙霧合
恍疑咫尺接蓬仙

知休岩菴

岩扃寂寂獨跏趺
不到山中負白駒
曾寄數行遺字

在只今空復憶
蘧廬

講經臺飛來船

石依空界為函丈
佛在名山闢道場
直指本心超彼岸
共言臺畔有慈航

過竺仙菴大風

鷲嶺陂陀天路分
禪堂鐘鼓上方聞
坐看雙樹旛旛動
自御長風度紫雲

堯率流杯亭

老僧杯渡湘江水
堯率天宮五十秋
亭下流杯開九曲
儘教人洗世間愁

福巖寺鄴侯書院

禪寺書堂近接連
歲書何處跡空傳
一切看來俱是幻
若逢煨芋只談禪

宿南臺寺

南臺山景宜東眺
倚柱仍親吐霧峯
幾摺練文江外轉
絕憐初日照芙蓉

同被昔年為鴈字
重來今日淚痕添
延陵季子空青草
愁聽傍人說孝廉

石橋寺

茫茫雲海三千界
誰跨金牛渡石橋
亦似補陀瞻大

一松濤長日聽蕭蕭

黃庭觀

女仙誰為授黃庭
更上高臺禮七星
一自飛昇人不見
只留遺跡在空亭

朱生雅善星曆自號三峯祝君鴈雲題其卷峯頭明月余乃為絕句二首贈之

為愛三峯凌碧漢
扶筇歷歷坐清秋
浮雲淨盡過深夜
吟倚冰輪度十洲

天文掌內挾飛仙
織女支機石上眠
指點三峯瀛海畔
倒看明月挂峯前

初至山房試筆

青山如畫小樓來，恠得天香二月開。
便欲結茅依紫玉，定教人羨讀書臺。

為柯肖泉三府題許旌陽丹井

許仙舊亦旌陽令，煉藥何妨有簿書。
九轉一成天上客，丹泉今古漾清虛。

為柯肖泉三府題姜孝子泉

至性通神史不誣，當年一念即冰壺。
家庭亦只尋常事，為問斯人世有無。

陪張質卿遊南嶽次其韻

山中招鶴作仙群，仙洞晴飛片片雲。
金簡玉書如可遇，太平期共翊明君。

和質卿咏嶽路松

南巡馳道此逶迤，綠髮蒼髯萬樹垂。
可道君王儀衛少，六軍劔戟亦當時。

東廖鶴泉

仙人種樹桃源洞，開滿春花玉樹枝。
問道萬松團翠蓋，濤聲聽足歲寒時。

與厓泉相士

不倦風塵四海身，天留雙眼看時人。
為報長安故人

道洞庭秋水月精神

將赴京內子留衆姪女久住仲弟感而有作遂
和其韵得四首

離居乍晤三年少老去萍踪感嘆生骨肉此時情正
切故園何日更聞鶯

為宦難謀相聚樂不禁秋至別愁生莫言詠雪庭闈
久各到明年獨聽鶯

當年有母團圞喜遊子渾忘別恨生今日相離思舊
日熙熙春色開流鶯

燕山楚水幾千里容易天涯白髮生前路渺然輕此

漫言上苑喜遷鶯

和仲弟守齋憶將別用前韵之什

持服歸來何所慰連枝玉樹羨同生我着祖鞭天上
待瓊林春暖奏和鶯

卧龍岡

道傍人指卧龍岡千古精靈恐未亡若起草廬當此
日不知何以佐平康

博望驛清風亦

仙使乘槎犯斗牛歸來博望作封侯千秋猶為標遺
址古樹清風滿驛樓

詠屏間畫意

鹽梅投鼎有和羹一線能裨帝袞成莫厭忠謀偏逆
耳欲將容茹頌昇平

即景

萬樹枝頭秋葉辭不留殘綠歲寒時松筠莫是誰欺
得愛惜貞操好護持

呂仙祠三首

夢酣一枕醒盧生無限真仙度世情鴻寶枕中還秘
密悟來鼎內大丹成

渺渺浮生一夢癡醒於夢後定何時身是夢中心是

醒好將無夢證仙師

黃梁遺跡古祠新來往流傳夢亦神可是先生頻好
事紅塵無奈世間人

至都門晴望

向來載筆未酬君又攝衣冠逐舊群身到長安近紅
日馬頭閒看岫西雲

市臺唱和代作

塞上旌麾作隊遊狎看欵順走膾首記得昔年疲戰
鬪空聞上策說西周

壯觀邊城夾轂遊皇家威德服狂酋秋風萬里塵氛

息為問何如漢與周

籌邊樓上愜登遊俎豆從容屈大酋不用凱歌誇戰
勝昇平今日似虞周

一時將畧訝偕遊共倚邊臺受貢酋魏絳和戎無足
道從知廟筭軼商周

劉野川赴南陽欲遊余郡贈此

薊北秋風悽客神舊遊還憶洛陽春江山入手看能
事為寫當年抱膝人

襄樊遙指岳陽樓一點君山青玉浮七十二峯天半
紫并携湘水卧同遊

覽鏡寄弟

秋風一夜白鬕新乍雪偏傷旅客神天上彩雲從聚
散山中明月共誰人

黃梅楚峯上人住持海潮觀音菴詩以贈之

誰開東土青蓮界大士皇都有幻身終日不言須自
悟如如稿木是傳神

諸君欲聽海潮音自禮莊嚴雙樹林清夜跏趺群動
寂却從何處覓禪心

上人傳法自黃梅一見都城得往來今日何人能問
法絕無塵地妙高臺

題午日賜扇

薰風碧玉開晴殿
晝日黃衣御法筵
珎筭尚方頒禹貢
侍臣天上祝堯年

書海峯卷為凌相士

明月如懸海上峯
風塵燕市一遊筇
可知此骨能仙否
脫屣人間共赤松

題劉承所二守爐山永慕圖次李翼軒太史韻

祝融峰上見湘干
山似香爐秀色盤
瑞靄朝朝浮宰木
鄉人俱作御爐看

思親湘水碧流長
一幅青山素練光
獨對香爐還有

恨郡齋深夜坐焚香

驅車蜀道動愁顏
巫峽重雲隔楚山
入部使星人所

羨寸心惟憶舊衣斑

風塵常悔出山輕
猶自携圖別帝城
召入囑君休把看
已江隨處有猿聲

贈周孝廉歸壽母安人

尊酒長安話舊遊
合江亭畔似瀛洲
如今歸去剡中好
自御潘輿捧杖鳩

銀髮瑤池宴上仙
孝廉君賦白華篇
拏舟剛到剡溪曲
正及榴花照綺筵

和用韞七夕五首

鵲爭送喜夜為橋驅石空聞駕海潮
牛女玉京成會合長門無限怨秋宵

天上雙星欲渡河一彎明月照婆娑
逢秋不遣佳期悞相會雖稀歲月多

見說人間乞巧非都從巧處伏危機
丁男近日多征戰且織邊城寄遠衣

我欲天邊賦遠遊秋風吹送木蘭舟
明河浩浩無窮際不到源頭總不休

一宵相晤遽相違織女經年不下機
若就七襄何所

報牛郎應又問寒衣

曉起一首

上林鳥雀暮相依傍曉常看繞殿飛
聖主如今在宮內近臣慙未侍垂衣

抵南都贈醫士徐生還京

冒暑南來山水地扁舟無恙路三千
正及蟬肥秋氣爽送君歸騎一凄然

畫船迢遞大江流豐鎬依然王氣浮
君到長安近紅日五雲深護鳳凰樓

靈谷寺二首

紫園草卷十一
谷口松陰一逕賒試來街上聽琵琶誰將靈跡留空
谷惹有遊人到佛家

砌工當日費安排佛刹巍巍寶殿開若使朝堂俱似
此世間閒却棟梁材

昇天洞觀音堂絕句有小序

新鄭南十五里許觀音堂據溪流之上為勝
路傍有洞磴道陡絕拾級而上至竟乃見所
謂堂而徘徊注望焉則此虛空一竅兩竅昇
於洞天淨土者也舊有字額嵌洞口即書曰
觀音堂無謂余乃改題昇天洞又書洞天淨

土四字并口占此絕以付僧使顏於堂之上
僧亦其務開拓此福地而成妙高法界乎

祇樹曇花說法臺真詮曾證大悲未誰知天界風塵
外眼底虛空一竅開

賦

帝藉賦

我皇冲睿御曆慎考典舊循軌布度弗墜弗後盛三
雍之上儀飭四圭以維右紹

列祖之鴻鑠萃百王之隆茂時維春仲木令秉麾光
風瀏兮被物洪鑄鼓兮咸熙烟條濃而曳地花錦縟

紫園草卷十一
而盈枝信物侯之既嘉軫

皇念於黔黎爾其民務既興不昏作勞佇萬乘以夙
駕信古典之孔昭值時昌明兮境無繹騷九夷回面
兮重譯來朝於是稽令甲之赫奕俞有司以上聞諏
吉日於太史上儀草於春卿治壇埤之陞級理阡陌
之縱橫潔靈薦之芳味戒百工之駿奔穆卜既叶天
朗氣融清道案列乘輿雍容發鯨魚兮鏗華鍾駕青
輅兮乘蒼龍鳳蓋焚麗兮蘇鑿玲瓏稅于天田兮萬
靈景從三推未舉先農是享整法服以對越正冕帶
而下上肅三獻以告虔備九奏之清響儼祈年之孔

夙通冥漠乎精爽已乃降靈壇升幔殿服袞龍冠翼
善屬車呈播殖之器司徒祗種稔之獻勞

聖躬於帝藉撫御耦而弗倦總牝縹軛紺轅黛耜
洪縻在手灑種而時三推三返庶人終事或五或九
貴賤以次于斯時也千耦其耕煥乎禮成播百谷兮
協人力歌載芟兮揚頌聲將餘糧棲畝兮腐粟如京
黍稷以備粢盛兮藁秸餉乎犧牲睹衆庶之鼓舞兮
皇情怡而樂豈彼周宣詢哲后兮來訃諫之壺壺鈞
盾弄田稱曠舉兮亦見戲之差擬惟

聖德邁三五兮光前規之休美格天心以降祥兮覲

豐稔而寧止尚食夙戒以慶饗兮供帳置乎青壇陳
百寮而贊群后兮展

帝容而交下歡略崇嚴而授几筵兮訝湛露之汎瀾
列庭實之千品兮班玉觴而羞金盤嘉珍御而太牢
饗兮恍群王之噴屹太師奏樂以嘈囀兮擊金石而
沸絲竹鐘鼓鏗鉤而砰磕兮韶武間而恭古續夫既
樂備而禮周兮群臣洽而雍穆旃乃反乎畦畛兮駕
金根于大陸闔闔洞開于九重兮迴東郊之輅木萬
姓填塞以積委兮小臣爰奏賦以相屬賦既又從而
歌之歌曰瞻東郊兮公田闢

天子臨兮耕其藉

帝藉從兮公與侯親祈報兮勤田疇穫黍稷兮祀圓
丘億萬年兮承天休又曰瞻東郊兮耕壇崇

帝親藉兮訓三農農弗惰兮足種稔牛羊肥兮社酒
熟撞鐘鼓兮歌賽曲樂豐年兮介景福